



Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 68. Recens electus Saxoniæ Elector Lutheri Sectam publice professus.

[urn:nbn:de:hbz:466:1-66472](#)

Sæc. XVI. næ comitabantur; Cæsar vero, ubi Imperatricem Sponsam suam proprius accedere edocebat, sex omnino leucas cum tota sua Curia obviam processit, ac denique ambo simul Hispanim contenderunt.

§. LXVIII.

*Recens electus Saxonie Elector
Lutheri sectam publice
professus.*

Paulo post lætitiam, qua Cæsar inde perfundebatur, funestus admodum nuncius turbabat; significabatur enim, quod Saxonie Elector nuper electus Lutheranæ sectæ nomen dedisset. Vocabatur is Joannes defuncti Electoris frater, quem Lutherus adeo dextre ad sua pertraxit studia, ut in hujus Hæresiarchæ manibus perversi dogmatis professionem palam emittere non dubitaret; imo nec his contentus, commentitiam reformationem publice ac libere prædicari jussit, Pontificis auctoritatem in omnibus suis ditionibus omnino proscriptis, cunctaque Monachorum instituta suppressit, ac denique Ecclesiarum reditus abstulit, mediumque illarum partem privato suo usui, quartam vero Nosocomiorum impendiis, atque

atque aliam quartam partem Ministro-Sæcul. XVI.
rum sustentationi adjudicavit.

A.C. 1526.

§. LXIX.

*Philippus Hassiae Landgravius Lutheri
hæresin amplexus.*

Eodem anno Lutherus sibi conciliabat Philippum hujus nominis primum inter sectæ hujus fautores longe zelosissimum juxta ac potentissimum. Is cognomento *magnanimus* peracto Suevicorum. Rusticorum bello in omnia Hassiæ ^{Cochl. in actis} ~~script.~~ cæ domus bona successit, cui Saxonie *Lutheri* Elector, intimus illius amicus, auctor ^{ann. 1526.} extitit, ut Lutheri sectæ nomen daret; ^{p. 147.} cessit ille Electoris sollicitationi, quamvis Georgius Saxonie Dux ejus Socer, necnon Landgravia nomine Anna Megalopolis Ducissa illius Mater nil intentatum relinquerent, ut eum a perverso hoc consilio absterrerent.

§. LXX.

Spirensis conventus initia.

Cum comitia, quæ primo Augustæ, dein Spiræ indicta fuere, prima die Maji, ut inter Principes conventum erat, celebrari haud possent, illa ad vigesimam quintam Junii diem hujus anni supra millefimum quingentesimi vigesimi sexti remittebantur.

I 2 §. LXXI,